

Ն.Ս.Օ.Տ.Տ. ԳԱՐԵԳԻՆ Բ
ԱՄԵՆԱՅՆ ՆԱՅՈՑ ԿԱԹՈՂԻԿՈՍԸ
ԵՐԵՎԱՆԻ Ս. ԳՐԻԳՈՐ ԼՈՒՍԱՎՈՐԻՉ
ՄԱՅՐ ԵԿԵՂԵՑՈՒՄ
«Ս. ՆԵՐՍԵՍ ՇՆՈՐՀԱԼԻ» ՇՔԱՆՇԱՆՈՎ
ՊԱՐԳԵՎԱՏՐԵՑ ՔՈՒՎԵՅԹԱԲՆԱԿ ԲԱՐԵՐԱՐ
ԿԻՐԱԿՈՍ ԳՈՒՅՈՒՄՋՅԱՆԻՆ

Դեկտեմբերի 28-ին Երևանի Ս. Գրիգոր Լուսավորիչ եկեղեցում Ն.Ս.Օ.Տ.Տ. Գարեգին Բ Ամենայն Հայոց Կաթողիկոսը Հայ եկեղեցու «Ս. Ներսես Շնորհալի» պատվով բարձր շքանշան շնորհեց թուվկյթահայ բարերար Կիրակոս Գույումջյանին, որն իր նպաստն է բերել Երևանի Ս. Գրիգոր Լուսավորիչ Մայր եկեղեցու բարեգարդման աշխատանքներին՝ պատրաստելով եկեղեցու աստիճանավանդակի ճաղաշարերը՝ ի հիշատակ իր հանգուցյալ հոր՝ Ներսես Գույումջյանի:

«Էջ Միածինն ի Տօրե» շարականի երգեցողությունից հետո Վեհափառ Հայրապետի սրբապատ կոնդակն ընթերցեց Մայր Աթոռի դիվանապետ Նոգեշնորի Տ. Արշակ վրդ. Խաչատրյանը:

Այնուհետև փեր և փիկին Կիրակոս և Միվա Գույումջյաններին իր օրհնության ու զնա-հապանքի խոսքն ուղղեց Ամենայն Հայոց Կաթողիկոսը. «Մենք մխիթարություն ենք ապրում, որ հայրենիքից հեռու մեր սիրելի զավակներն այդպիսի նախանձախնդրության ոգի են դրսևորում և մասնակցություն բերում մեր հայրենաշինության գործին ու մեր հայրենիքում իրականացվող եկեղեցաշինության աշխատանքներին», - նշեց Նորին Սրբությունը:

Իր պատրասխան խոսքում Կիրակոս Գույումջյանը խորին շնորհակալություն հայտնեց Վեհափառ Հայրապետին՝ բարձր պարգևի արժանացնելու համար՝ նշելով. «Շատ ուրախ և հրճված եմ ինչպես ես, այնպես էլ իմ ընտանիքի մյուս անդամները, որ առիթ է հնարավորություն ունեցա այս հրաշալի եկեղեցու շինարարության մեջ մի համեստ քար զեպեղելու: Թող այս եկեղեցին և մեր բոլոր փաճարներն անսասան մնան իրենց բարոյական, հոգևոր և նյութական արժեքներով»:

ՄԱՅՐ ԱԹՈՌ Ս. ԷԶՄԻԱԾՆԻ
ՏԵՂԵԿԱՏՎԱԿԱՆ ՆԱՄԱԿԱՐԳ